

Ciuh yiengzbya geq youq ndaw ndoeng gvaq. Yiengzbya geq miz haujlai lwg, boux riengz boux bae ndawsingz bae lo. Seizneix, yiengzbya geq caeuq dahlwg ceiq iq doxbaengh gvaq saedceij.

Gyoengqlwg youq henzndang seiz, yiengzbya geq caeuq gyoengqlwg gangj vah duzyiengz. Bouxvunz youq henz ndang seiz, yiengzbya geq dingq bouxvunz gangj vah, dingq lai le, yiengzbya geq hix rox vah bouxvunz. Bouxvunz caeuq duzyiengz caez youq nanz le, bouxvunz hix rox gij vah duzyiengz.

Seizneix, dahlwg iq yiengzbya geq hix majhung lo. Ndawsingz miz vunz daeuj, naeuz daiq dahlwg iq yiengzbya geq bae ndawsingz. Yiengzbya geq rox dahlwg iq bae ndawsingz le, couh bienqbaenz noh ndaw buenz vunz lo. Yiengzbya geq raemxda doekbyoegbyoeg.

Bouxkawj naeuz: “Duzyiengz ha, dahlwg gou baenzbingh lo, cijndaej au dahlwg mwngz daeuj vuenh cienz ywbingh lo!”

Yiengzbya geq naeuz: “Dahlwg gou bae ndawsingz couh mbouj miz mingh lo! Gou gaeng geq lo, hix mbouj ndaej seng yiengzlwg lo, danghnaeuz dahlwg gou lij lix, ndaej seng yiengzlwg le, gou miz daeglan, lij miz duzyiengz ne. Mbouj miz dahlwg, daengz gou dai le, yienghneix couh mbouj miz duzyiengz lo!”

Bouxkawj naeuz: “Gou dan miz dahlwg neix, gou maqmuengh dahlwg ndangcangq, gou hix siengj umj lan ha.”

Yiengzbya geq naeuz: “Mboujnex, gou bae ndawsingz, vunz ndawsingz ciengzseiz naeuz, hix miz vunz maij ndoet dang yiengzbya geq. Dan miz bouxcawj mwngz naeuz gou seng yiengzlwg lai, gou cij ndaej lix daengz ngoenzneix.”

Couh yienghneix, yiengzbya geq haeuj ndawsingz bae lo.

Youq ndaw diemqngaiz, yiengzbya geq caeuq haujlai yiengzlwg doxbuex.

Yiengzlwg duzduz cungj daej dwk, gyangz diuzmingh swheij yaez lai.

Yiengzbya geq gig simdingh.

sawcuenh dinj

Yiengzbya Geq

老山羊

□ Siz Bungzcwngz/石鹏程

Duz yiengzlwg ndeu doiq yiengzbya geq naeuz: “Bouxlaux, mwngz baenzneix simdingh, mbouj lau dai ha?”

Yiengzbya geq naeuz: “Yiengz cungj au dai. Daj okseng ngoenz haenx, couh gietdingh cungj miz ngoenz ndeu au dai. Mwngz daej dwk lau dai, mboujyawz haisim gvaq ngoenz ndeu. Gou you, bouxvunz ngoenz gaj baenzlai duzyiengz, lauheiq miz ngoenz ndeu mbouj miz duzyiengz lo.”

Yiengzlwg naeuz: “Raeuz gwn nywj, mbouj yungzheih maj baenzlai noh, couh deng bouxvunz gwn bae, gou mbouj fugheiq ha!”

Yiengzbya geq naeuz: “Youq laj fagcax bouxvunz, raeuz cijndaej swenj lo.”

Yiengzlwg duzduz simdingh ndwn dwk.

Mbwn lij caengz rongh, song bouxcoz dajcawj gaemh duz yiengzlwg ndeu bae lo, yaep he, yiengzlwg swenj dwk. Song bouxcoz dajcawj youh daeuj gaemh duz yiengzlwg ndeu, yaep he, yiengzlwg swenj dai swenj lix.

Yiengzlwg duz daep duz deng gaemh bae lo, ndaw loengz youh dem haujlai yiengzlwg.

Saedceij ngoenz gvaq ngoenz, boux dajcawj lij caengz gaemh yiengzbya geq.

Youq ndaw loengz, yiengzbya geq raen aen cingzgvang hawj de siengsim ndeu. Henz loengz miz aen ganghung cang byaeklw ngaizlw he. Gyanghaet, aengang hoengq, daengz banngaiz le, aengang cungj rim liux, ndawde miz haujlai nohyiengz caeuq ndokyiengz, miz vunz dawz deuz le, youh cuengq aengang hoengq youq gizde, daengz

gyanghaemh, aen ganghung neix youh rim lo, ndawde youh miz haujlai nohyiengz caeuq ndokyiengz.

Yiengzbya geq siengj: Bouxvunz gaj duzyiengz muzdiz couhdwg gwn nohyiengz, gwn noh mbouj gwn ndok couh suenq lo, vih gijmaz lij lw baenzlai nohyiengz, langfei haujlai duzyiengz. Danghnaeuz cungj gwn nohyiengz liux bae, couh mbouj yungh gaj baenzlai duzyiengz lo. Yienghneix couh miz haujlai yiengzlwg mbouj dai, gyoengqde couh ndaej sanj haujlai yiengzlwg daeuj lo.

Yiengzbya geq ndwn youq gizhaenx ngaiz liux.

Ngoenz ndeu banhaet, boux dajcawj laux ndeu byaij haeujdaej, ndwn youq baihnaj yiengzbya geq yawj dwk, yiengzbya geq hix yawj bouxdajcawj.

Bouxdajcawj laux guh dajcawj

baenz ciuhvunz lo. Lij coz seiz, de mbouj rox gaj gejlai duzyiengz, de rox gij vah duzyiengz. De gamjdaengz duzyiengz hojlien lai lo, caiq mbouj nyaenxsim gaj duzyiengz.

Bouxdajcawj laux naeuz: “Gou mbouj nyaenx sim gaj mwngz, hoeng bouxdajcawj coz naeuz lau yawj fajnaj deng gaj mwngz, gouz gou daeuj gaj mwngz lo.”

Yiengzbya geq naeuz: “Yienghneix couh daeuj ba, duzyiengz bonjlaiz couh dwg hawj bouxvunz gwn. Hoeng gou miz aen vwndiz ndeu mbouj rox, gou daeuj gizneix baenzlai ngoenz lo, vih gijmaz ngoenzneix cij gaj gou?”

Bouxdajcawj laux naeuz: “Boux daeuj gwn nohyiengz haujlai cungj dwg bouxcoz, bouxcoz maij gwn yiengzlwg, yiengzlwg noh oiql! Ngoenzneix banngaiz miz boux hek ndeu naeuz siengj gwn dang yiengzbya geq.”

Yiengzbya geq naeuz: “Gaem cax ba.”

Bouxdajcawj laux hai aenloengz, yiengzbya geq swheij byaij okdaej lo.

Faggiemq yaek yoeck haeuj congghoz yiengzbya geq seiz, boux dajcawj coz ndeu swenj naeuz: “Dingz roengzdaej gonql!”

Yiengzbya geq dingq boux dajcawj coz naeuz, bouxhek au mbaetgwn, banringz mbouj daeuj gwn ringz lo.



Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangisii Cioz Siengzcoub Liuz Gingliuj Cioz Siengzzen hoiz

Mboujgvaq, aen Yungzyen dieg youq baihnanz Guengjsae neix, mbouj souh mbangj “gohyoz dinghlwnh” haenx haedcug. Vih-liux gaijgez yungh bwnh vwndiz, yenvej fusuhgi Dingh Saulanz youq yenvej suhgi Cangh Dazmingz dingjrenz lajde, daj bi 1960 seizdoeng haidaeuz, cix daiqlingx gyoengq boux nungzyez gohgi guh gij sawqniemh sawq ndaem go-nywjvahoengz caeuq gomaenz. Ceh daj Gyanghsih yinx haeuj, lij daj Gyanghsih cingj nungzyez gisuzyen daeuj son. Baez daih’ it sawq ndaem mbouj baenz, 6900 lai moux naz, daengz bi 1961 seizcin cij miz 1.2% maj ndaej ndei di. Gyoengqde youq boux conghyah Swegih Nungzyezdingh caeuq boux nungzminz Gyanghsih bangcoh lajde, ra ndaej ok le aen vwndiz ndaem mbouj baenz haenx. Gij go’ nywjvahoengz maj

ndaej ndei haenx, rag giet miz raetfoegrage; gij go maj mbouj ndei haenx ne rag mbouj miz raetfoegrage. Yenzlaiz go’ nywjvahoengz caeuq gomaenz daengj doenghgo goduh haenx caeuq raetfoegrage caemh sengmaj. Raetfoegrage daj gij doenghgo goduh gizde cup yingzyangj caeuq raemx, doengzseiz de youh dinghmaenh youzlidansu ndaw hoengqheiq gungh hawj doenghgo goduh majhung. Danghnaeuz go’

nywjvahoengz caeuq gomaenz mbouj miz raetfoegrage bang de cauh gij vahozvuz hamz dan haenx nei, de cix lumj lwgnyez noix yingzyangj byombyetbyet ndeu.

Ra deng gij yenzyinh le, bi 1961 seizdoeng, gyoengqde youq Nungzyezdingh dinghcangj Se Dunghlaiz dingjrenz baihlaj, laebdaeb sawq ndaem 500 lai moux, daj Huznanz cawx raetfoegrage go’ nywjvahoengz ma guh gyauxdaem,

caemhcaiq vat mieng baiz raemx, youq laj gohaeux doekceh, cuengq bwnhlinzfeiz. Bi 1962 seizcin, gofoeg miz 71% maj ndaej ndei, ceiq noix moux goj ndaej 2000 gaen, itbuen moux canj 6000—7000 gaen, moux ceiq lai mauhghaq fanh gaen. Yungh bwnhfoeg daeuj guh bwnhdae nazhaeux, moix 1000 gaen bwnhfoeg ndaej demsou 50 daengz 100 lai gaen haeux, namh naz hix bienq biz dem. (caengz sat)